

M533: Klagschrift der Gesellschaft der alten Geschlechter zu Mainz gegen die Zweiundzwanzig von der Gemeinde

- 1r,1 JN godis namen Amen Allirmenlich sal wizen . daz dir Rait zuo Mentze
vnde zwene vnde zwenzig
1r,2 die sich iz ane namen von einir gemeynde wegen . machtin myt ein / eynin
brief / der mit der stede Ingesigil
1r,3 besigilt ist / vnd swuorin den zuon heylegen stede zuo haldene / vnd dadin
dar nach allirmenlichin beide arm
1r,4 vnde Riche den selben brief auch sweren / in dem selbin briefe steid . ane
andir artikil die in
1r,5 dem briefe beschribin sint / daz man den Rait suolde laizzin in allin den
eren als sie bit dar kuomen
1r,6 waren vnd allirmenlichin . dar nach machtin . Luoede . zuonfte . vnd
quamen in zuonfte die nye in zuonfte
1r,7 waren kuomen . Dar naich gingen die Juongen luoede vndir den gademen
myt andir iren fruonden
1r,8 vnd machtin eyne geselleschaf / duorch friden willen . ane allir leie argelist
. vnd ane alle geverde mit
1r,9 eynir globede ain eit . vnd suolde die selbe geselleschaf nyt sin widir den
Rait odir widir die
1r,10 zwene vnde zwenzich / odir widir den vorgeantenen brief / den allirmenlich
gesworin hait . vnd waz
1r,11 sie aldis krigis . odir zweyuonge hetten . des virzigin sie vf ein vnd machten
obe man in der
1r,12 geselleschaf . keynen man ledegin wuolde . der in suolde sich mit der
geselleschaf nyt behelfin . vnd
1r,13 machtin auch . wer in ire geselleschaf wuolde kuomen sin dem hetten si s
wole geguonit der
1r,14 ein bidirme man were geweist / ane die / die da geschuoldegit waren an
dem wizin gelde . dar
1r,15 vm so wuordin ein deil irre fruonde in der geselleschaf dar zuo bescheidin
/ obe keyne zweuonge vndir
1r,16 in wuorde . daz sie daz gutliche moecht in vndir in richtin /. Die
geselleschaf wart gemacht
1r,17 vffe den duonristag naich sente Meyrtins dag / vnde zuostuont . do sie die
geselleschaf gemacht
1r,18 hatten / do schichtin sie irre fruonde ein deil in den Rait / vnd liezzin sie
wizzin die selbe geselleschaf

- 1r,19 vnd duochte sie guot sin / vnd liezzin sie auch wizzin die zwene vnde
zwenzich vnd saden
- 1r,20 in wie die geselleschaf was / vnde schidin also von in daz sie iz guot duochte
. vnd nit dar widir
- 1r,21 reten / vnde dar nach liezzin si s auch wizzin alle die zuonfte . die sie . bi
ein fuondin zuo der zit
- 1r,22 die selbe geselleschaf vffe daz / obe in yman andirs von der geselleschaf
segete . daz sie wisten daz
- 1r,23 iz nyt andirs in were . dan als sie in selber saden / Vnd in der selben nacht
do die geselleschaf
- 1r,24 gemacht wart / bewuorbin sich die zwene vnde zwenzig mit allin zuonftin
vnd wapeten sich
- 1r,25 vnd wuoldin in der selben nacht der gesellescheffe liep vnd guot genomen
hain . dan daz sie got
- 1r,26 behuote / vnd des morgens fruo an dem fritage / do besluozzin sie alle die
porten die vm die stat
- 1r,27 geint / vnde luoten zuo stuorme vnde hauoftin sich / vnde vndirstuonden
der gesellescheffe liep / guot /
- 1r,28 vnd ere an zuo gewinninne / in den dingen daz sie ir kein sorge in hatten .
vnd si s vnvirschuldit
- 1r,29 gein in hatten / des quamen sie gemeinliche gewapent fuor diz Muonster
myt irin banyrin / do
- 1r,30 warin ein deil der herren von me Rade inne / die frageten die zwene vnd
zwenzig waz in wuorre .
- 1r,31 odir waz in breiste / do antworten die zwene vnd zwenzich vnde spraichin .
die Juongen luoede
- 1r,32 hetten zuo hauof gesworin / vnde hetten drizehen Raitherren vndir in
gekorin / vnde hetten gewape-te
- 1r,33 luoede hinsite Rinis vnd dizsite Rinis . beide ritt'e vnd knechte / vnd hetten
auch
- 1r,34 gewapente luoede in dir stat / vnd wuolden die gewapinden luoede die
vzwendig dir stat warin /
- 1r,35 in die stat gelaizzin hain / vnd wuolden die stat virraden hain / vnd wuolden
den zwein
- 1r,36 vnd zwenzegin vnd dir gemeinde liep vnd guot genomen hain / daz die
zwene vnd zwenzich vnd
- 1r,37 die / die in den vfsatz huolfn raden wol wizzint / daz des nit in was / vnd
nie in wart / ob sie
- 1r,38 die wairheit wollin reden / Dar vm sal man wizzen / daz die zwene vnde
zwenzich . myt alsolichin
- 1r,39 vfsetzin vnd mit anderen worten da nyt ane in waz sie besagit haint gein
einir guoden gemeinde /
- 1r,40 daz sie irzuornit vffe sie waren vnde irgrimmit / Des reten die h'n von me
Rade mit den
- 1r,41 zwein vnd zwenzegin vnd mit der gemeinde . daz sie mit einandir gingen
zuo den predegerin
- 1r,42 in daz gewiede kloister . vnd santen naich iren fruonden in guoden truowen
daz sie quemen zuo in

1r,43 in daz selbe kloister man wuolde sie sprechin . Nuo hatten die h'n von me
Rade gereit mit
1r,44 den zwein vnd zwenzegen / wanne sie quemen zuo den predeg'en / so
suolden sie gein in des schuolttheizzin
1r,45 hoif vnd suoldin da Jnne virlibin sin also lange bit daz man ir Recht vnd ir
vnrecht
1r,46 irfaren hette . Do sie zuo den predegeren quamen / do namen die zwene
vnde zwenzich iren
1r,47 eyt daz sie der bezicht vnschuoldig weren / der sie / sie ane gezigten hetten
/ Vbir daz so brachin
1r,48 die zwene vnde zwenzig ire fuorwerte die sie mit den h'n von me Rade hatten
gereit /
1r,49 vnde twuongin die / naich den sie in guoden truowen gesant hatten . daz
sie vz dem gewieden
1r,50 kloist'e vffe den thuorn muosten gein / vnde sprachin . daz sie nyt dan vffe
den thuorn suldin gein
1r,51 dan bit daz / daz gemeyne fuolk heim queme / vnd suolden dan zuostuont
her widir abe geyn ./
1r,52 Vnd da gingin die zwene vnde zwenzich vnd die gemeinde mit den selben
lueden an den tuorn
1r,53 gewapint als obe sie vnrechte luoede weren geweist . vnd liezzten sie vffe
dem thuorne ligen biz
1r,54 an den dritten dag / vnd des selben dages do sie vffe den thuorn quamen .
do muosten sie vnd alle
1r,55 ire geselleschaf ire yseren senden den zwein vnde zwenzegin / in ire gewalt
. vnd in der cit do sie
1r,56 vffe dem thuorne lagen / vnd man zuoschin in vnd den zwey vnd zwenzegin
sulde reden . daz sie vz
1r,57 dem gefengnisse quemen / do wart geschruowen vbir sie . man sulde sie
liebelois machin . als obe
1r,58 sie vndedege luoede weren geweist / kuome gerete man / daz sie von iedem
gefangen eynin buorgen
1r,59 namen / fuor duosint puont / also / daz man sulde dedingen mit den zwein
vnde zwenzegin in
1r,60 achte dagen naich iren willen / odir daz sie gefangen wider in den thuorn
quemen / dar naich an
1r,61 dem neisten maindage / santen die h'n von me Rade / vnd die zwene vnd
zwenzich naich allin
1r,62 den / die in der geselleschaf waren in guoden truowen / die in dir stat waren
. ane die . die gefangen
1r,63 waren / daz sie quemen zuo den predegeren / da die dar quamen / die zuo
dem male in dir stat
1r,64 waren / do druongen die zwene vnd zwenzig sie dar zuo . daz sie muosten
sweren . allis daz yseren
1r,65 daz sie hatten vffe den duonristag / naich sente Meirtins dage / daz muosten
sie antw'ten . vffe den
1r,66 neisten dinstag / den zwein vnd zwenzegin in ire gewalt . wa si s vor nyt
geantw'tit in hetten /

- 1r,67 vnd muosten Auch sweren hinder ir seizse von den zwein vnd zwenzegin /
die sie wuolden . vnd muosten
- 1r,68 auch borgen vor gerichte vm alsoliche bezicht als die zwene vnd zwenzig
zuo in hatten / Were
- 1r,69 daz sache . daz sie / sie an warer schuolt fuonden hetten . odir ir keynen /
zuoschin der cit vnd pingisten /
- 1r,70 so suolden die seizse vf iren eyt / vnd vf ire ere / vffe sie gesast hain waz sie
zitlich hette
- 1r,71 geduocht /. naich dem daz sie virschuoldegit hetten / Wer des nit geliden
wuolde hain / daz sie vf in
- 1r,72 gesast hetten / den sie an schuolt hetten fuonden der moechte vz mentze
gefahren sin mit sime farinde
- 1r,73 guoede / dri dage naich der zit . daz man in die buoizze hette heizzen lieden
. mit guoden
- 1r,74 frieden / Wer daz sache / daz die vorgeanten seizse . keyne schuolt
gesprochin hetten zuochin der
- 1r,75 cit vnd pingisten / so suolden die vorgeanten personen eydis vnd
borgeschaf vnd alliz virbuontnisses
- 1r,76 ledig vnde los sin . vnd suolden da inzuoschin hain gehabit guoden frieden
liebis vnde guodes /
- 1r,77 Dar naich in der selben wuochin quamen die eirberen luoede von den steden
/ von Wuormetze . von
- 1r,78 spire / vnd von frankinfuort / vnd vndirwuonden sich zuo dedingene
zuoschin den die gefangen waren /
- 1r,79 mit irre geselleschaf . gein den zwein vnd zwenzegin . vnd fuonden eynin
weig . daz seizse von den
- 1r,80 drin steden die da vor geschribin steint / macht suolden hain / mir den
seizsen von den zwein vnd zwenzegin
- 1r,81 hindir die / die Juongen luoede vor gesworin hatten / also / wer daz sache
. daz die zweuolfe / an
- 1r,82 ymanne keinir leye wair schuolt fuondin hetten . in der vorgeanten cit /
die suolden gelieden hain
- 1r,83 was die zweuolfe vf in gesast hetten / den sie in warer schuolt fuonden
hetten / zuoschin der vorgeanten
- 1r,84 cit vnd pingistin / der suolde guoden frieden hain gehabit vzzir mentze zuo
varne mit sime liebe
- 1r,85 vnd mit sime varinden guode / dri dage naich der zit / daz in die zweuolfe
die buoizze hetten heizzen
- 1r,86 lieden / vnd suolden die dri stede sie nyt halden zuo buorgeren / vnd in der
vorgeanten cit suolden
- 1r,87 sie alle guoden friede hain gehabit libis vnd guodis / vnd fuor worten vnd
fuor werken / Were daz
- 1r,88 sache / daz die cit also virgangan were vnd die zweuolfe keine schuolt in
spreichin vf die vorgeante
- 1r,89 geselleschaf so suoldin sie eydis vnd borgeschaf vnd allis virbuontnisses
ledig vnd los sin .
- 1r,90 Sint die zit also virgangan ist daz die zweuolfe keine schuolt gesprochin
haint vffe die geselleschaf

- 1r,91 vnd sie eidis vnd borgeschaf . vnd allis virbuontnisses ledig vnd los sint /
Dar vm so eugint ir ein deil
- 1r,92 den eirberen wisen luoden von den drin steden / an die / die sache
gegangen ist / daz alle die geschichte
- 1r,93 die hie vor geschribin sint / daz die geschehen sint / widir recht vnd widir
dir stede friede / brief / vnde
- 1r,94 gesetze / daz arm vnd riche gesworin hatten / vnd widir den brief den dir
Rait vnd die zwene vnde
- 1r,95 zwenzig / vnd sie vnd allirmenlich gesworin haint / in eyne rechtin
lantfride / vnd ane alle gerichte /
- 1r,96 Dar vm so klagint sie daz mit alsolichme vbirgriffe . als an sie widir recht
gelacht wart / die zwene
- 1r,97 vnde zwenzig sich gedruongin haint in eynin rait / vnd machten
buorg'meist'e / daz widir dir stede ere
- 1r,98 vnd frieyt was / vnd ist . vnd widir gewonheyt / vnd widir den brief / den
der Rait vnd die zwene
- 1r,99 vnd zwenzig / vnd sie vnd allirmenlich gesworin hayt / Jn dem selben briefe
steit / ane andir artikil
- 1r,100 die in dem briefe steint / daz die zwene vnde zwenzig / vnd die gantze
gemeinde / allirmenlichin suollin
- 1r,101 laizsin in allin den eren als sie bit dar kuomen waren / Auch me so braichtin
s die zwene vnd zwenzig
- 1r,102 dar zuo / daz die gemeinde in sweren muosten / bestendig zuo sine / daz
widir dir stede ere was vnd ist /
- 1r,103 vnd druongin manchin bidirben man die nyt in zuonften in waren / daz die
in zuonfte muosten kuomen
- 1r,104 vnd hindir sie sweren muosten . daz widir dir stede ere was vnd ist / vnd
druongin ie die zuonft / daz
- 1r,105 sie in ein suondir ingesigil muosten machen / Vbir die Jngesigele alle
machtin die zwene vnd zwenzig
- 1r,106 ein ingesigil von allir zuonfte wegen / vnd besigilten da mide eynin brief /
der widir dir stede ere vnd
- 1r,107 frieit was vnd ist / Andirw'be klagint sie / daz die zwene vnd zwenzig . vnd
ire helfer druongin
- 1r,108 die h'n von me Rade dar zuo / daz sie in der stede Jngesigil muosten geben
/ vnd die sluozzele zuo
- 1r,109 der stede frieyt . die der geselleschaf iren alderen dicke suor was worden
zuo gewinne vnd zuo behaldene /
- 1r,110 vnd dar vf lib vnd guot dicke gelacht hatten / Auch druongin sie die h'n
von me Rade
- 1r,111 dar zuo . daz sie den zwein vnd zwenzigin / gebin muosten die sluozzele
zuo dem geschuotze daz widir
- 1r,112 iren eyt was vnd ist / Auch klagent sie / daz sie mit dir stede Jngesigele
briefe besigilt haint
- 1r,113 vnd die gesant hain . vnsme h'n dem keysire / daz an ir ere gieng / vnd mit
solichin vnrechten
- 1r,114 vfsetzin vnd myt worten die nyt wair in waren / irwuorbin sie an Ime briefe
. da . mide sie vndirstuondin

- 1r,115 der geselleschaf ere vnd guot an zuo gewinnene / Auch klagint sie / daz sie
briefe santin
- 1r,116 auch vnsme h'n dem keysere vnd schuoldegitten sie in den selben briefen
des / des nyt wair in
- 1r,117 was vnd baden in auch in dem selben briefe / daz er gebuode den h'n vnd
den steden / daz sie ir
- 1r,118 keynin huostin odir hildin . vnd vndirstuonden da mide sie widir recht dis
landes zuo virwisene
- 1r,119 vnde zuo virdribene /. Auch me haint sie besigilt mit dem selben Jngesigle
briefe an die stede . daz die
- 1r,120 geselleschaf ir yseren in willekliche gebin vnd antwerteden / des nyt in was
wand sie druongin
- 1r,121 sie dar zuo / daz si s in mit eide muosten geben /. Auch klagt die
geselleschaf / daz die zwene vnd
- 1r,122 zwenzig vnd ire helfere / sie gedruongin haint von der frieide / die sie haint
von dem stifte vnd von
- 1r,123 dem Bischobe . daz ist an irme dienstrechte / vnd an irme
huosgenozinrechte / vnd an irme gademe
- 1r,124 rechte / des sie suondirlingin frieyt haint / von eyne stifte vnd von eyne
Bischobe / vndo haint sie
- 1r,125 gedruongin vze manghir guodir gewoneyde vnd eren / die ire alderen vffe
sie braicht hatten /. Auch me
- 1r,126 so klagint sie suondirlingen / von den snideren / die da globit haint mit
truowen an eidis stat die gadem
- 1r,127 zuo erene vnd zuo fuordirne . vnd zuo warnene vor irme schaden / daz haint
sie gebrochin / vnd hant selber
- 1r,128 gewant gesniden / des sie nyt duon in suolden wand iz ist widir der gademe
frieit / vnd widir
- 1r,129 der snider globede /. Auch klagint sie daz die zwene vnd zwenzig / odir ire
helfere / meystir spireren
- 1r,130 den steinmetzin virdribin hant von siner naruonge / durch vnrechtis
vnguonstis willen / den sie
- 1r,131 zuo in hatten /. Auch klagint sie / daz sie meyster wilhelm den steinmetzin
gewont gefangin
- 1r,132 vnd virdriben von siner naruonge haint widir recht / duorch vnrechtis
vnguostis wissin / den sie zuo
- 1r,133 in hatten /. Auch klagent sie . daz sie den frieden gebrochin haint / den
die dri stede gereit hatten /.
- 1r,134 mit dem ersten / daz suozmuond in dem Muonstere rete widir bidirbe
luoede vffinberliche / "hette man
- 1r,135 der geselleschaf rechte gedain / man hette sie halb irdrenkit / vnd halb
intheuobedit /." Auch klagint
- 1r,136 sie daz peter Juode virdribin wart widir recht / der in dem selben frieden
suolde sin / vnd sie sin
- 1r,137 yseren vnd sinen eyt genomen hatten / Auch quam suozemuond vnd sine
helfere in hennelins huos zuo m
- 1r,138 korbe / vnd heymsuochtin in bie nacht myt gewapindir hant / vnd
drauweten yme / fuonde er

- 1r,139 keyne geselleschaf in sime huose / er muoste duon daz er noede dede /.
Auch klagit Emeche des schultheizzin
- 1r,140 Emm'chin son klegeliche / vnd auch andir sine fruont / zuo fordirst gode
von himelriche / vnde
- 1r,141 dar nach den ersamen lueden vffe die / die sache gegangin ist . von den
zwein vnd zwenzegin / vn-
- 1r,142 von iren helferen / daz die machten eine erkliche hauofuonge / des wart der
schultheizze gewarnet
- 1r,143 daz er balde fluoe vz sime hofe / in dede er des nyt / er vnd alliz daz in sime
hobe were / muosten
- 1r,144 lieb vnd guot virlorin hain / vnde zuostuont dar naich do er gewarnit wart
/ do quamen die
- 1r,145 zwene vnd zwenzig / vnd ire helfere / mit irre hauofunge mit gewapindir
hant / vnd mit vp gerachtin
- 1r,146 baniren / bie nacht vnd bie nebele in den dingin daz er an sinem bette lag
/ vnd nymans kein
- 1r,147 sorge in hatte / vnd da er daz geschelle horte / do muoste er sich machin
vz sinem bette . barfuoz vnd
- 1r,148 bloizheubit in eyne wammaze / vnde lief also barfuoz vnd bloizheubit vz
sime hobe in kaldin
- 1r,149 wedere vnd in eyne grozin sne vbir sente stefains berg / vnd quam fuor ein
sins fruondis huos
- 1r,150 vnd irfrois alda vor dem huose e dan er in wuorde gelazin / vnd starb dar
nach in den zehen
- 1r,151 dagen / daz ich Emeche vnd mine gewistirde / vnd andir mine fruont
nuomm' virwindin kuonnen
- 1r,152 noch in mogen /. Dar naich quamen ein deil von der geselleschaf gein
frankinfuort in die nuowe
- 1r,153 misse vnde in wuoldin nyt widir heym . wan sie waren besorgit / obe kein
irre fruonde ymannen von
- 1r,154 mentze leidegete / daz sie odir andir ire fruont des in guolden / Des irbaden
sie die h'n von me Rade
- 1r,155 von frankinfurt / daz sie ir zwene abe hine schiketen gein mentze / den
wart zuo mentze in me rade
- 1r,156 ein friede mit eyde globit von ir allir wegen Wer s daz yman breche / des in
sulde nyman
- 1r,157 intgelden / dan der selbschuoldege mit der stede bezzeruonge . vnde der
selbe friede wart auch
- 1r,158 gebrochin vffe den palmedag / mit namen an Hennekine Jacobis sone zuo
m Froische / daz suozemuondis
- 1r,159 neben vnd sine knechte in wonten daz er kuome genaz / die selben
suozmuondis knechte vnd
- 1r,160 neben iageten vffe die selbe zit mit swerten vnd mit mezzeren / daz was mit
namen / Antze zuo me
- 1r,161 Rade . pedirman zuo m huombrechte / vnd Mennekin zuo m danke vnd
Riefe vnd klesechin Reysemans
- 1r,162 suone . vm soliche vnrechte gewalt die an sie gelacht wart in eyne rechten
frieden . vnd auch in dem

- 1r,163 frieden der den h'n von frankinfuort globit wart / mit eyde in eyne vffenin
Rade zuo mentze / dar
- 1r,164 vm so riden sie vzir der stad wand sie nyt in wisten weis man mit in
beginnen wuolde / Dar vm
- 1r,165 sal man wizzin vm alsoliche vnmeizliche vnrechte gewalt . die an die
vorgenante geselleschaf / vnd an ire
- 1r,166 fruont dicke gelacht wart / mit Worten vnd mit werken / vnd sie libis vnd
guodes alle zit beide dag
- 1r,167 vnd nacht in sorgen waren / Dar vm muosten sie vzir der stat faren / der
frieit vnd der ere iren alderen
- 1r,168 dicke suor ist worden zuo gewinnene vnd zuo behaldene / vnd vm daz sie ir
ere wuoldin vuorantw'tin
- 1r,169 an allin steden / vnd nit duorch keinir leye schulde willen / Auch klagen
sie / daz die zwene vnd zwenzig .
- 1r,170 den steden auch geschribin haint von in / daz sie virebeliche kuomen sin
vnd gedain haben widir
- 1r,171 den brief / den der Rait vnd die zwene vnd zwenzig / vnd dar naich
allirmenlich gesworin haint / ane
- 1r,172 andir artikil die sie auch geschribin haint / der sie auch vnschuoldig sint /
vnd wuollint zuo brengen / daz
- 1r,173 die zwene vnde zwenzig vnd ire helfer den vorgenanten brief gebrochin haint
/ vnd sie nyt / dar an
- 1r,174 daz sie den Rait druongin vbir daz sie gesworin hatten / vnd dar an daz sie
die sluozzele zuo den porten
- 1r,175 wuolden hain / vnd andir slos dar ane machtin / Auch daden sie die dinere
abe den die porten befolin
- 1r,176 waren / vnd sasten sie diner dar die in swuorin / also daz . sie der porten
vnd der thuorne geweldig
- 1r,177 wuorden vnd noch sint Auch sasten sie abe die dinere die an dem vngelde
waren / die bidirbe luoede
- 1r,178 waren / vnd namen sich auch selber ane zuo richtene / daz alliz wider iren
eyt ist vnd widir
- 1r,179 den brief / ane andir artikil / die beide beschribin vnd vnbeschribin sint /
- 1r,180 Auch klagint sie daz zuo etzlichin ziden sich der Rait wuolde meren / vnd
die zwene vnd zwenzig
- 1r,181 nyt in wuoldin / daz man keinen von der geselleschaf neme / vnde
vndirstuondin in da mide ir ere zuo
- 1r,182 swechene Auch klagent sie / daz sie gezigen wuordin / von den zwein vnd
zwenzegin / vnde von iren helferen .
- 1r,183 daz sie weren heymeliche zuo mentze kuomen in kloistere vnde in hofe
gewapind vf ir vnwegistes /
- 1r,184 des wuordin sie gesuocht in den selben kloisternen vnd in den hoeften / da
man auch in vnrecht
- 1r,185 ane deit / Auch klagint sie / daz die zwene vnd zwenzig vnd ire helfere / in
daz iere vor gehaldin
- 1r,186 haint widir recht / vnd in daz virderbit ist . vnd sie des grozin schadin haint
/ in den dingin / daz

- 1r,187 sie in allis rechtis gehorsam waren / zuo gebene vnd zuo nemene / vnd iz
die stede fuor sie buden
- 1r,188 Auch klagint sie / vm daz Reuobers suone / ire fruont nyt sweren in wolden
hindir die zwene
- 1r,189 vnd zwenzig / vnd ire helfer / dar vm so stigin sie in iren hoif / vnd
heymsuocht in sie / vnd wonten
- 1r,190 ir eynin vf sinen bette bie nacht / vnd fingen in vnd fuorten in vf den thuorn
/ Dar nach
- 1r,191 zigen sie in eins mordes / daz er zuo braicht hait / daz er des vnschuoldig
ist / vnd er dar zuo ein
- 1r,192 paffe ist Auch sageten sie / die zwene vnd zwenzig / vnd ire helfere / zuo r
suomirwuonne were ein
- 1r,193 loch duorch dir stede muore gebrochin vffe der stede schadin / vnd wart
fuonden daz des nyt in
- 1r,194 was Auch klagint sie / daz iren fruondin ein deil daz ire genomen ist /
vzwendig vnd innewendig /
- 1r,195 ane gerichte vnd widir recht / die in nyt widirsagit in hatten / noch keynin
schadin
- 1r,196 hatten gedain Auch klagint sie / daz irre fruonde knechte ein deil Jordans
vnd Hennekins
- 1r,197 sins bruodirs / gewuont vnd geslagin wuorden /. in dem rechten friden /
do man den dag leistede
- 1r,198 zuo sente victore Auch klagent sie / daz die zwene vnd zwenzig / iz dar zuo
braichtin / daz
- 1r,199 beide frauwen vnd man betwuongin wuorden / daz nyman in gedorste
sagen / daz in vnrechte
- 1r,200 were geschien / odir geschege / die iz wol wisten daz in vnrecht geschach
/ welche daz sageten
- 1r,201 daz sie recht hetten / odir was rechtis sie buoden / odir gebodin hetten /
die virdribin sie dir
- 1r,202 stat / odir braichin in gelt abe / daz in zuo swere was / widir recht vnd widir
alle bescheidineyt /
- 1r,203 Andirwerb so klagent sie / den erberen wisen luoeden / an die sie irre sache
gegangen
- 1r,204 sin / vnd alle der wernden / daz die zwene vnd zwenzig / vnd die in den
Rait gaben
- 1r,205 die sie wol wissent wer die sint / vnrecht von in gesagit haint / vnd sie
virworrin haint
- 1r,206 gein einir gemeyde / den sie nye leit hatten gedain / odir sie in widir / vnd
den sie gerne
- 1r,207 dineten / vnd sie in widir / vnd die ire alderen in eren vnd in friden gehaldin
hatten / vnde
- 1r,208 sie hatten gehuoffit / hetten die zwene vnd zwenzig / vnd die in den rait
gaben / die h'n von me
- 1r,209 Rade vnd ire fruont / in den eren vnd in der frieit gelaizzin / als iz von aldir
an sie kuomin was /
- 1r,210 alle die schuolt / die / die stat schuoldig was were also bestalt worden / daz
die stat in eren

- 1r,211 were virlieben / vnd die gemeynde der schulde halb nuomm' virdorbin were
/. Auch klagit Ebirhart
- 1r,212 kauowerzin / daz dilen keppelere / eyne rechtere zuo frankinfuort / von
sinen wegen / ein
- 1r,213 recht fride globit wart von Jacobe ysinmenger / daz er Emm'chin bodechin
gerichtin suolde
- 1r,214 vnd recht geben vnd nemen suolde / do er ime daz recht gedeit / do lief der
selbe vorgeante Emmirche /
- 1r,215 mit siner geselleschaf / mit gewapindir hant in sinen hoif / vnd wuoldin
ime lieb
- 1r,216 vnd guot genomen hain /. Auch klagint sie / daz die zwene vnd zwenzig /
vnd die / die in den rayt gaben / myt solichme
- 1r,217 nuowen vngewonlichin kuoppil / vnd myt nuowen zuonftin / die stat in
alsolichin vnfriden braicht
- 1r,218 haint / daz nyman beyde paffin vnd leyn / Cristen vnd Juden sichirliche
in der stat wonin
- 1r,219 mag / er in muoze dag vnd nacht libis vnd guodis in sorgen sin / des nyme
keyne noyt zuo
- 1r,220 mentze in geschach
- 1r,221 Sint der zit / daz die zwene vnd zwenzig / vnd die / die in den rait
- 1r,222 haint gegeben / solche groizze vbirgriffe vnd vnrechte gewalt an sie gelacht
haint / widir recht
- 1r,223 vnd widir iren eyt / vnd haint sie da mide gedruongen in groizze kost / vnd
in grozin schaden
- 1r,224 vnd haint naich iren eren gestanden / vnd sie iz vnvirschuldit haint /. Dar
vm bident sie die
- 1r,225 erberen wisen luoede / vffe die . die sache beidirsit gegangin ist / daz sie
an sehen ire wisheyt
- 1r,226 vnd ir ere / vnd irre selen heyl / vnd dar zuo denkin vnd duon / daz in ire
groze smacheyt vnd
- 1r,227 ir groze kost / vnd ir groze schade abe werde geleit / also / als si s fuor gode
virantw'ten wollen /
- 1r,228 vnd fuorwert raden vnd helfen / wie daz die stat bestalt werde mit bidirbin
fridesamen
- 1r,229 lueden / die ir ere vnd ir eyde gerne haldin / daz arm vnd Riche / vnd der
stad / vnd dem
- 1r,230 lande nuotzelich sie / vnd mit friden leben moegin /.